

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 258553 25 St
Zenica, 03.10.2025. godine

Općinski sud u Zenici, sutkinja Marina Šapina, u stečajnom postupku nad društvom Društvo za trgovinu, ugostiteljstvo, turizam i zanatstvo „EVROPACAFFE“ d.o.o. Tešanj, Tešanjka bb, Tešanjka, Tešanj, odlučujući o prijedlogu likvidatora Izudina Alića iz Tešnja, nakon ročišta održanog dana 27.05.2025. godine, u prisustvu likvidatora i zaposlenice Federalnog zavoda PIO/MIO Mostar KAS Zenica Zlata Tuka, van ročišta dana 03.10.2025. godine, donio je:

R J E Š E N J E

Otvara se i zaključuje stečajni postupak nad društvom Društvo za trgovinu, ugostiteljstvo, turizam i zanatstvo „EVROPACAFFE“ d.o.o. Tešanj, Tešanjka bb, Tešanjka, Tešanj, MBS:1-6939, zbog nepostojanja stečajne mase, te se nalaže brisanje ovog privrednog subjekta iz sudskog registra zavedenog u reg. ul. broj: 1-6939, a po pravomoćnosti ovoga rješenja.

O b r a z l o ž e n j e

Predlagatelj Društvo za trgovinu, ugostiteljstvo, turizam i zanatstvo „EVROPACAFFE“ d.o.o. Tešanj, ulica Tešanjka bb, Tešanjka, Tešanj, MBS: 1-6939j, pokrenut je stečajni postupak nad navedenim društvom, zastupan po zastupniku po zakonu Bedak Ademu, ovom sudu je dana 07.02.2024.godine, podnio prijedlog za provođenje likvidacije nad navedenim pravnim licem.

Rješenjem br. 43 0 L 241441 24 L od 22.08.2024. godine, pokrenut je likvidacioni postupak i za likvidatora je imenovan Izudin Alić iz Tešnja.

U likvidacionom postupku potraživanje je prijavio povjerilac Porezna uprava F BiH Kantonalni porezni ured Zenica u iznosu od 2.172,53 KM. Likvidator navedeno potraživanje nije osporio, te je u svom izvještaju naveo da društvo nema imovine iz koje bi se moglo izmiriti prijavljeno potraživanje.

Na ročištu radi ispitivanja uvjeta za otvaranje stečajnog postupka održanom dana 27.05.2025.god., likvidator Izudin Alić je izjavio da ostaje kod navoda iz izvještaja od 09.10.2024. godine i 04.11.2024. godine i navoda sa ročišta za ispitivanje uvjeta za zaključenje likvidacionog postupka koje je održano dana 17.12.2024.godine. Ističe da je podnesen prijedlog za otvaranje likvidacionog postupka na osnovu u naprijed propisane dokumentacije, gdje između ostalog je priložena i potvrda od strane Porezne uprave, Poreske ispostave u Tešnju, da društvo nema obaveza po osnovu javnih prihoda, izjavljuje u toku likvidacionog postupka nije bilo drugih prijava osim prijave Porezne uprave. Navodi da na ročištu za ispitivanje uvjeta za zaključenje likvidacionog postupka, osnivač ujedno i direktor zbog značajnog isteka vremenskog perioda nije bio u mogućnosti da dokaže da je izmirio iznos koji je naveden u prijavi potraživanja, te je likvidator priznao prijavljeno potraživanje. Navodi da likvidacioni dužnik ima neizmirena dugovanja u iznosu od 2.172,53 KM, društvo nema drugih neizmirenih potraživanja osim prijavljenih potraživanja. Likvidator dalje navodi da društvo nema nikakve imovine, te je još prije par godina prestalo obavljati bilo kakvu djelatnost. Likvidator navodi da društvo nema u svom vlasništvu i posjedu pokretne stvari, nekretnine, niti novčana sredstva, te je uz

podnesak od 02.06.2025.god dostavio dokaze da drušvo nema u svom vlasništvu i posjedu nekretnini niti ima u vlasništvu vozila i to. Potvrda ZK ureda Općinskog suda u Tešnju od 28.05.2025.god., Uvjerenje Službe za katastar, urbanizam i imovinsko-pravne poslove Općine Tešanj od 28.05.2025.god. i Potvrdu MUP-a ZDK, Odsjek za administraciju Tešanj od 30.05.2025.god.

Odredbom člana 102. stav 6. Zakona o stečaju („Službene novine F BiH”, broj: 53/21) određeno je da stečajni sudija otvara stečajni postupak nad imovinom stečajnog dužnika ako je prijedlog dopušten, ako postoji stečajni razlog i ako će imovina stečajnog dužnika prema predviđanju biti dovoljna da namiri troškove postupka, dok je stavom 7. istog člana propisano da ako imovina stečajnog dužnika ne pokriva troškove postupka, a prijedlog je dopušten i osnovan, stečajni sudija će javnim pozivom, objavljenim na oglasnoj tabli suda, web stranici suda - elektronskoj tabli suda i u „Službenim novinama Federacije BiH“, pozvati povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka, u iznosu koji odredi stečajni sudija. Stavom 8. istog člana propisano je da ako u roku iz stava 7. ovog člana povjerioci i zainteresirana lica ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102. stav 7. Zakona o stečaju, rješenjem od 05.06.2025. godine pozvao povjerioce i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da po izvršenoj uplati predujma sudu dostave uplatnicu, kao dokaz da je uplata izvršena. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupku.

Rješenje ovog suda od 05.06.2025. godine, objavljeno je na oglasnoj ploči suda dana 10.06.2025. godine, na web stranici suda i objavljeno je u „Službenim novinama Federacije BiH“ broj: 45/2025 od 18.06.2025. godine.

Kako stečajni dužnik ima obaveze, dok nema imovine, pa ni za namirenje troškova stečajnog postupka, a povjerioci i zainteresirana lica po proteku roka ostavljenog u rješenju donesenom od strane ovog suda nisu predložili otvaranje stečajnog postupka niti predujmili novčani iznos potreban za pokrivanje troškova stečajnog postupka, to je primjenom odredbe člana 102. stav 8. Zakona o stečaju, odlučeno kao u izreci ovog rješenja.

Sukladno odredbi člana 108. i člana 204. stav 5. Zakona o stečaju, ovim rješenjem određen je upis rješenja o otvaranju i zaključenju stečajnog postupka koje usljed nedostatka stečajne mase prestaje postojati, te brisanje ovog pravnog lica iz sudskog registra.

Sutkinja:

POUKA O PRAVNOM LIJEKU

Protiv ovog rješenja može se izjaviti žalba Kantonalnom sudu u Zenici u roku od 8 dana, putem ovog suda. Žalba se podnosi putem ovoga suda u tri primjerka.

Marina Šapina, v.r.